

Inissianik attartortut piffissaq eqqorlugu akiliuteqartartut siunissami attartortunut akiliineq ajortunut akiliussisarnerannik aningaasartuutinullu taakku akilinngisaannik akiliisarnerannik pisussaaffeerullugit, inissianik akiliutit aalajangersarneqartarnerat pillugu maleruagassanut atuuttunut Naalakkersuisut allannguutissaannik siunnersuusiornissaat pillugu Inatsisartuni aalajangiiffigisassatut siunnersuut
(Saqq. Siumup Inatsisartuni ilaasortaaitai)

pillugu

Sanaartornermut ataatsimiititaliap

ISUMALIUTISSIISSUTAA.

Siunnersuutip aappassaaneerreqarneranut tunniunneqartoq.

Suliarineqarnerani Ataatsimiititaliaq kingullermik ukuningga inuttaqarpoq:

Inatsisartunut ilaasortaq Karl-Kristian Kruse, Siumut, siulittaasoq
Inatsisartunut ilaasortaq Anders Olsen, Siumut, siulittaasup tullia
Inatsisartunut ilaasortaq Nikolaj Jeremiassen, Siumut
Inatsisartunut ilaasortaq Kalistat Lund, Inuit Ataqtigiit
Inatsisartunut ilaasortaq Aqqaluaq B. Egede, Inuit Ataqtigiit

UKA 2013-imi ull. 6. november 2013 siullermeereernerani siunnersuut Ataatsimiititaliap misissorpaa.

Siunnersuutip imaa aamma siunertaa

Siunnersuuteqartup siunnersuutimigut kissaatigaa ineqarnermut akiulitigisartakkanik aalajangiisarnermi malittarisassat atuuttut allanngortinnissaannik Naalakkersuisut peqquneqassat, taamaalilluni attartortut piffissaq eqqorlugu akiliisartut akiliineq ajortut ineqarnermut akiligassaannik aningaasartuutinillu allanik akiliussisassanngimmata.

Siunnersuutip Inatsisartuni siullermeerneqarnera

Naalakkersuisut siunnersuut tunngaviatigut tapersorsorpaat, oqaatigineqarlunili taamatut pisinnaatitsinerup allanngortinneqarniarnera, siunnersuummi anguniarneqartoq, inatsisip iluarsartuuteqqinneqarnissaanut ilanngunneqassasoq.

Siumup siunnersuut tapersorsorpaa, isumaqarlunilu siunnersuut inatsisip iluarsartuuteqqinneqarnissaanut ilanngunneqassasoq.

Inuit Ataqtigiit siunnersuut tapersorsorpaat, isumaqarlutilli pissutsit arlallit, ilanngullugulu siunnersuutip qanoq aningaasalersorneqarnissaa, misissorluarneqartariaqartut.

Atassutip siunnersuut tapersorsorpaa aammali siunnersuutip ineqarnermut inatsisip iluarsartuuteqqinneqarnissaanut ilanngunneqarnissaanut Naalakkersuisut pilersaaruteqarnerat tapersorsorlugu.

Demokraatit siunnersuut tunngaviatigut tapersorsorpaat, aammali isumaqarlutik siunnersuummi aningaasarnikkut pissutsit misissorluarneqassasut.

Siunnersuutip Ataatsimiititaliami suliarineqarnera

Siunnersuutikkut anguneqarsinnaasut

Ataatsimiititaliap naatsorsuutigaa, Namminersorlutik Oqartussat kommunillu inissiaataanni attartortittakkani attartortunut pisinnaatitsinerit allanngortinnissaat siunnersuuteqartup siunnersuutimigut pingaarnertut kissaatigigaa; attartornermut akiliutip aalajangerneqartarnera Inissianik attartortitsisarneq pillugu peqqussummi §§-ini 28-imiit 32-imut takuneqarsinnaavoq. Taasissutissami inissiani namminersortut attartortittagaanni attartunut inatsisitigut tunngavigisat allanngortinnissaat aamma siunnersuuteqartup siunnersuutimigut kissaatigineeraa immikkut takuneqarsinnaangilaq. Namminersortunit attartortittakkani attartornermut akiliutip aalajangerneqartarnerani §§-ini 33-imiit 35-imut takuneqarsinnaasutut attartornermut akiliutip akilerneqaratanninnerani attartortoq nammaqatigiiffiusumik akiligassinneqarsinnaanera tunngavissaqanngitsoq takuneqarsinnaavoq, naak pisortat inissiaataanni attartortittakkani taamaattoqaraluartoq. Ataatsimiititaliali inissianut namminersortut attartortittagaannut atatillugu § 33-mut nassuiaatini maluginiarppaa, piginnittup aningaasalersuinermit akissaajaataanut attartornermi akigititap naatsorsornerani ilaasinnaasut ”*Piginnittup nalinginnaasumik annaasaqaratarsinnaaneranut pissarsiaritat, aningaasanik atoriaannaarnik amigaateqarneq aningaasanillu pissarsiniarnermi aningaasartuutit*”, taakkulu inatsimmut nassuiaatini 2 %-imik annertussusilerlugit *assersuusiuunneqarsimasut*. Ataatsimiititaliap assortorumanngilaa taaneqartumut ”piginnittup nalinginnaasumik annaasaqaratarsinnaaneranut” ilaasinnaasoq “inissiani attartornermut akiliutip akilerneqartanninnerani piginnittumut nalinginnaasumik mianerisassat”, kiisalu attartortittakkat attartorneqannginnerani annaasat aamma nutsernermi assigisaanilu annaasat ilaasinnaasut. Taamaattumillu attartortunut tamanut Inissianik attartornermut peqqussummi ilaatinneqartunut pisinnaatitsinerit allanngortinnissaannut tamanna tulluurtuusinnaasoq assortoruminaappoq.

Siunnersuutip aningaasatigut kingunissai

Inatsisartut suleriaasianni § 33, imm. 1-imi allassimavoq, siunnersuut tunngavilersugaassasoq siunnersuutillu aningaasatigut allaffissornikkullu kingunerisassai allaaserineqarsimassasut.

Ataatsimiititaliap maluginiarpaa, siunnersuutip piviusunngoratarnerani aningaasatigut kingunerisassat pillugit allassimasut tamakkerlugit saqqummiunneqarsimanngitsut. Maanna aaqqissuussinnermi ineqarfiit immikkoortuani pineqartumi attartornermut akiliuteqarsimannginnermi attartortut “nammaqatigiillutik akiliuteqartarnissaat” atorunnaarsinneqassappat, taava imaalissaaq attartornermut akiliutissatut amigaataasut allamit pissarsiariniarneqartariaqassasut. Taamaattoqassappat aningaasat sumit pissarsiarineqassanersut siunnersuummi isummorsorfigineqanngilaq. Kisiannili Ataatsimiititaliap naatsorsuutigaa, aningaasartuutit Nunatta Aningaasivianit imaluunniit kommuninit *akilerneqarsinnaasut*, tamannalu ima paasineqassaaq, aningaasartuutit matuneqarnissaannut akileraartartut tamarmik aamma inissaminnik nammineerlutik pisisimasut akiliuteqartariaqassasut.

Ataatsimiititaliap naatsorsuutigisariaqarpaa siunnersuutip aningaasatigut kingunissai pillugit Naalakkersuisunit paasissutissanik pissarsiniarluni misiliisoqarsimanngitsoq. Kisiannili Naalakkersuisunut 2012-mi § 37 tunngavigalugu apeqqutinut 136-imut aamma 165-imut akissutit Ataatsimiititaliap ilisimavai, taakkuli ajornartorsiummut paasilluarneqarsinnaasumik akissutinillu matumunnga attuumassuteqartunik akissutitaqanngillat

Naalakkersuisut innersuussutigaat siunnersuut ”attartortitsisarneq pillugu Inatsiseqarnerup iluarsartuuteqqinneqarnissaanut” ilanngunneqassasoq. Taamaattorli inissiat pillugit iluarsartuusseqqinnissaaq taaneqartoq, taassuma imarisaa piffissaliunneqarsinnaasutullu naatsorsuutigisaaq Ataatsimiititaliamit ilisimasaqarfigineqanngilaq.

Siunnersuut akuersarneqassappat periaatsit arlallit assigiinngitsut atorneqarsinnaapput. Pisortat inissiaataanni attartortittakkani akissajaatit attartortunut nuna tamakkerlugu agguataarnerisigut imaluunniit isumaginninnikkut tunniuttakkat qaffanneqarnerisigut akilerneqarsinnaapput, taakkulu kommuninut aamma Nunatta Aningaasivianut artukkiutaassapput. Kiisalu pisortat aamma namminersortut attartortitsisartut naligiissinneqarsinnaanerat periarfissaavoq, taamaalillunilu attartortut akiliisannginneranni namminersortut mianerinnittariaqarnerasuulli akissajaatit attartortumit akilerneqartariaqartassallutik.

Akissajaatit attartortitsisumit akilerneqassappata, inissianik akikinnerusunik sanaartupallannissamut attartortitsisoq kajumissaarneqassaaq, aamma ineqarnermut aqutsineq

pisariillisarneqartariaqassalluni kiisalu isumaginninnermut akissajaatit ataatsimoorussat attartortuinnaangitsunit akilerneqartariaqalissallutik.

Tassunga atatillugu Ataatsimiititaliap ataatsimut isigalugu maluginiarpaa maanna pineqartumi ersinngitsumik tapiissuseqaqatigiittarnikkut, inuiaqatigiinni aningaasaqarnerup ataatsimut isigalugu ersarissuunissaa annikillisinneqarsinnaasoq.

Periarfissat allat

Ataatsimiititaliap misissuinermini ilisimalersimavaa Ineqarnermut tapiissutisinissamut aningaasanut killiliussat, nammineq akileeqataassutissat kiisalu ineqarnermut tapiissutit aningaasartaasa minnerpaaffissaat annerpaaffissaallu pillugit Namminersornerullutik Oqartussat nalunaarutaat nr. 12, 28. maj 2003-imeersoq atuutilersinneqarsimasoq Inatsisartut Peqqussutaat nr. 3, 31. maj 2001-imeersoq naapertorlugu. Inissiani attartortittakkani ineqarnermut tapiissutit killiussanik aningaasartalerneqarnikupput, taakkulu 2003-miilli iluarsiiisuteqarfigineqarsimanngillat. Kalaallit Nunaanni Naatsorsueqqissaartarfimmit paasissutissanik pissarsereernermi maluginiarneqarsinnaasimavoq piffissami januarimi 2003-miit 2013-imi juulimut atuisunut akit 32,6 %-imik qaffariaateqarsimasut, taamaallaallu piffissami 2008-mi januaarimiit 2013 –imi juulimut ineqarnermut akigitinneqartartunut naleqqersuut 28,7%-imik qaffariaateqarsimasoq.

Piffissami 1.4.2003-miit 1.4.2013-imut SIK-mi akissarsiat qanoq qaffassimanerat takussutissiissutigineqarpoq. Niuernermi allaffissornermilu ikiortip akissaateqarfimmi kingullermiittup SIK-mik isumaqatigiissut § 3 naapertorlugu tunngaviusumik akissarsiai 25,2 %-imik qaffassimapput. Isumaqatigiissummi tassani fuldmægtigip akissaateqarfimmi kingullermiittup isumaqatigiissut taanna naapertorlugu tunngaviusumik akissarsiai 21,2 %-imik qaffassimapput. Taamaalilluni nalinginnaasumik innuttaasoq akitigut annertuumik qaffariaammik nalaataqarsimavoq, taamatuttaarlu ineqarnermut akiliutigisartakkatigut. Naak akissarsiatigut ineriartorneq ilaatigut akitigut ineriartornermut malinnaasimagaluartoq, taava SIK-mi ilaasortanut akissarsiatigut pisisinnaassuseq appariaateqarsimasoq maluginiartariaqarpoq.

Kalaallit Nunaanni Naatsorsueqqissaartarfimmit paasissutissat ilanngussaq 1-itut tapiliunneqarput.

Qulaani naatsorsuinermik inerniliussat tunngavigigaluaanniluunniit Ataatsimiititaliaq isumaqarpoq, ineqarnermut tapiissuteqartarnermi killissarititaasoq iluarsineqarsimanngitsoq, tamannalu nunami isertitakinnerpaanut immikkut eqquisimasoq.

Taamaalilluni Ataatsimiititaliaq isumaqarpoq inissianik attartortitsinerneq peqqussutit naleqqussarnerata saniatigut aamma aningaasatigut killissarititaasut ineqarnermut

tapiissuteqartarnermut peqqussut naapertorlugu aalajangersarneqarsimasut iluarsiiiffigineqartariaqartut.

Ataatsimiititaliap aamma maluginiarpaa, pissutsit qulaani isiginiarneqartut Akileraartarnermut Atugarissaarnermullu Ataatsimiititaliap isumaliutissiissutaanut 2011-meersumut naapertuuttut.

Kiisalu Ataatsimiititaliaq isumaqarpoq, attartortitsisup aamma aattartortup akornanni pissutsit ineqarnermut peqqussutikkut maleruagassiorneqassasut, kiisalu isumaginninnermut naalakkersuinikkut iliuutsit isumaginninnermi inatsiseqarnikkut ingerlanneqartariaqartut. Ataatsimiititaliaq isumaqarpoq, Naalakkersuisut taamatut tunngaviusumik isummamut isumaqataasut.

Apeqqutit

Siunnersuutip aningaasaqarnikkut annertussusaa ilisimatinnagu aamma ataatsimut iluarsartuusseeqqinnissamut pissutsit allat siunnersuutillu ataqatigiinnerat ilisimatinnagit, aalajangiiffigisassatut siunnersuutip akuerinissaanut inassuteqarnissaq Ataatsimiititaliap tunngaviatigut eqqarsarnartoqartippaa. Siunnersuutip akuereratarnissaanut sunniutissat erseqqissaatiginissaanut Ataatsimiititaliap Naalakkersuisunut apeqqutit arlallit nassiussimavai.

Ataatsimiititaliap apeqqutai aamma Naalakkersuisut akissutaat isumaliutissiissummut ilanngussaq 2-itut tapiliunneqarput.

Ataatsimiititaliap kaammattuutai

Ataatsimiititaliaq isumaqatigiittoq isumaqarpoq, attartornermut peqqussutikkut attartortup aamma attartortitsisup akornanni pissutsit tunngaviusumik malittarisassiuunneqassasut, taamaattumillu attartortut ataasiakkaat attartortut allat ineqarnermut akiliutissatik akilertarneraat susassarinnikkaat.

Ataatsimiititaliaq isumaqatigiittoq isumaqarpoq, ineqarnermut tapiissuteqartarnermut atatillugu killissarititaasunut malittarisassat atuuttut periarfissaq siulleq atorlugu aaqqissuuteqqinneqartariaqartut.

Ataatsimiititaliaq isumaqatigiittoq isumaqarpoq, ineqarnermut tapiissutitut killissarititaasut aaqqissuuteqqinneranni killissarititaasut nikerarsinnaasut atuutilernissaat isumaliutigineqartariaqartoq, taamaalillunilu assersuutigalugu nalinginnaasumik akinik nikerartitsineq malinneqarsinnaassalluni.

Siunnersuut akuerineqassappat ineqarfiit immikkoortuini pimoorussinerlullutik akiliisartunut ileqqaakkat, inatsisiliornikkut ineqarfiit immikkoortuini ataasiakkaani nutarterinermut aserfallatsaaliinermullu inissinneqartassasut kaammattuutigineqarpoq.

Kaammattuutigineqarportaaq ineqarfiit immikkoortuini tamani maanna ineqarnermut akiliummut maanna annertussusiliineq aalajangiusimaneqassasoq, naak ineqarfiit aserfallatsaalinissaat nutarternissaallu siunertaralugit attartortunut pimoorussinerluttunut ileqqaagaqartarneq atorunnaassagaluarpalluunniit.

Ataatsimiititaliap inassutai


- *Ataatsimiititaliap isumaqatigiittup allannguutissat siunnersuut imaattoq saqqummiuppaa:*

Ineqarnermut akiliutit aalajangerneqartarnerat pillugu malittarisassat atuuttut allanngortinneqarnissaannut siunnersuummik Naalakkersuisut saqqummiussinissamut peqquneqarnissaannik Inatsisartut aalajangiiffigisassaattut siunnersuut, taamaalilluni ineqarnermi akiliinngitsoornermut atatillugu ininut namminersorluni attartortittakkanut periuseq inatsiseqarnerlu assigalugu pisortat attartortitsisut siunissami annaasaaqaataasinnaasunik isumaginnittassallutik.

- *Ataatsimiititaliap isumaqatigiittup allannguutissat siunnersuut akuerineqassasoq inassutigaa.*




Karl-Kristian Kruse,
Siulittaasoq




Anders Olsen



Nikolaj Jeremiassen



Kalistat Lund



Aqqaluaq B. Egede

BILAG /



STATISTICS GREENLAND

[Hjem](#) - [Tema](#) - [Variabler og værdier](#)
Powered by
PX-WEB

Rediger og beregn

Gem som

Figurer



lynvalg:

XLS PX CSV

Forbrugerpristal, indeks**Juli 1995=100**

2003 januar	113,8
2003 juli	115,0
2004 januar	117,4
2004 juli	117,7
2005 januar	118,7
2005 juli	119,3
2006 januar	121,4
2006 juli	122,7
2007 januar	124,1
2007 juli	124,8
2008 januar	130,8
2008 juli	136,4
2009 januar	136,7
2009 juli	137,2
2010 januar	138,7
2010 juli	140,4
2011 januar	141,0
2011 juli	143,4
2012 januar	147,8
2012 juli	149,6
2013 januar	150,3
2013 juli	150,9

Sidst opdateret:
2013-09-27 09:00Kilde:
Grønlands StatistikCOPYRIGHT:
JaKontakt:
Daniel Schutt, dasc@stat.glEnhed:
procentMatrice:
PRDPRISF



STATISTICS GREENLAND

[Hjem](#) - [Tema](#) - [Variabler og værdier](#)

 Powered by
 PX-WEB

 Rediger og beregn Figurer
 lynvalg: XLS PX CSV
Forbrugerprisindeks (2008=100) efter varegruppe og tid

	2008 jan	2008 jul	2009 jan	2009 jul	2010 jan	2010 jul	2011 jan	2011 jul	2012 jan	2012 jul	2013 jan	2013 jul
Bolig	100,0	103,9	104,9	105,1	105,9	108,2	109,4	113,5	124,4	127,7	127,6	128,7

 Sidst opdateret:
 2013-09-27 09:00

 Kilde:
 Grønlands Statistik

 COPYRIGHT:
 Ja

 Kontakt:
 Daniel Schutt, dasc@stat.gl

 Enhed:
 procent

 Matrice:
 PRDPRISV



Sanaartornermut Ataatsimiititaliaq
Inatsisartut allattoqarfiat
/ Maani

Asasara Karl-Kristian Kruse

21-02-2014
Sags nr.2014-094958
Dok. nr. 1495276

Apeqqutitut nassiussannut qujanarsuaq, attartornermut peqqussummut allannguutissamik saqqummiussinissamik Naalakkersuisut siunnerfeqarnerannut itisiliinissamut periarfissimmannga. Matuma kingulliani apeqqutit issuarneqarput, akissutit malitseqartinneqarlutik.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: laan@nanoq.gl
www.nanoq.gl

1. Ineqarneq pillugu nutarterineq Naalakkersuisut akissumminni taasaat qaqugu aallartinnissaa aamma naammassinissaa naatsorsuutigineqarpa? UKA 2013/34-mi siunnersuutigineqartut inatsiseqarnikkut allannguinnissaa pisortat inissiaataanni attartortunut aamma namminersorluni attartortittakkani attartortunut atuutsinnissaat Naalakkersuisunit naatsorsuutigineqarpa?

AKISSUT: 2014 ukiuvoq, misissueqqissaarnernik naliliinernillu suliaqarfiussaaq. Misissueqqissaarnerni inerniliinerit tunngavigalugit 2015-imi inatsisissamik nutaamik suliaqartoqassaaq.

UKA 2013/34-mi siunnersuutigineqartut inatsisitigut inissisimanernik allannguinnermi namminersortut inissiaataanni attartortittakkani attartortut ilaatinneqarnissaat naatsorsuutigineqanngilaq. Attartortitsisartut namminersortut akilinngitsuukkanik akilisoqartoqarneranut atatillugu annaasanut matussusiinissamut peqquneqarnissaasa ajornakusoornera tamatumunnga pissutaavoq.

Siunissamili namminersortut pisortallu inissiaataannut maleruagassat akornanni immikkoortitsisoqassanngitsoq naatsorsuutigineqarpoq, kisiannili tunngavissanut sinaakkusiussanullu arlalinnut nassuaasiortoqassaaq, naak naatsorsuinnermi annertussusiliussat suli assiglinngissinnaagaluartut. Assersuutigalugu najugaqarfinni ataasiakkaani ineqarnermut akiliutitut missingersuutit assiglinnginnerat pissutigalugu allaffissornermi suli atortoorujussuupput, paarlattuanillu nuna tamakkerlugu nammaqatiglinneq annertunerusoq atorneqarnerani. Assersuutigalugu aserfallatsaaliuinnermut illuatitanullu akiliutit, kiisalu nammineerluni aningaasaatinut piginnittumut akiliutit aalajangersimasut assiglinnginnaapput. Tamatumani najugaqartut oqartussaaqataanerit mattunneqanngilaq. Ulluinnaq aqutsinnermut sulliassallu tullerilaarneqarnerinut sunnuteqarsinnaaneq ingerlatsinnermut akiliutitigut, ineqarnermut akiliutit aqutitigalugit akilersinneqartutitigut malunniutissapput. Tamatumani nammineerluni salisarnissamut, aserorterinerit annikillissinnissaannut il.il. kajumissuseqartoqarnissaa ilaatinneqarpoq.

2. A) Naalakkersuisut ilisimatitsissutigislinnaavaat attartortut qassit ineqarnermut akiliutlinik kinguaattooruteqarnersut?

AKISSUT: A/S Inissiaatileqatigiiffik INI-mit ilisimatitsissutigineqarpoq, 31.12.2013-imi akiitsut akilinngitsuukkat attartortunut 6.444-nut naatsorsorneqarsimasut. Tassani Namminersorlutik Oqartussat inissiaataanni attartortittakkani maanna attartortuusut nuussimasullu, aammalu kommunini pingasuni (Qaasuitsup Kommuniani, Qeqqata Kommuniani aamma Kommune Kujallermini) inissianik attartortittakkanik attartortuusut pineqarput.

- B) Ukiuni kingullerni tallimani kinguaattoorutit qanoq allanngoriartorsimappat?

AKISSUT: A/S Inissiaatileqatigiiffik INI-mit akilinngitsuukkanik akiitsullinnut kisitsisit uku ilisimatitsissutigineqarput:

Illoqarfik nr.	Illoqarfik	2009-imi akiitsut akilinngitsuukkat	2010-mi akiitsut akilinngitsuukkat	2011-mi akiitsut akilinngitsuukkat	2012-imi akiitsut akilinngitsuukkat	2013-imi akiitsut akilinngitsuukkat
1	Nanortalik	1.713.252	1.896.846	2.386.712	7.045.840	7.629.825
2	Qaqortoq	4.928.160	5.618.091	5.539.491	11.163.230	13.159.581
3	Narsaq	2.834.899	3.085.012	3.615.454	9.168.691	11.977.425
5	Paamiut	5.898.000	5.385.758	4.992.444	5.334.733	6.591.487
6	Nuuk	10.716.600	11.321.631	11.388.158	13.066.425	15.872.316
7	Maniitsoq	4.958.669	6.111.916	6.518.504	6.446.489	7.867.278
8	Sisimiut	12.297.227	12.292.351	12.169.831	12.311.733	13.883.020
9	Kangaatsiaq	1.349.218	1.080.468	1.233.463	1.414.135	1.537.267
10	Aasiaat	5.560.849	6.608.294	6.486.652	6.830.101	8.099.111
11	Qasigianguit	1.746.668	2.167.418	1.859.968	2.196.046	2.739.286
11	Ilulissat	5.330.605	5.326.238	4.802.722	4.712.741	6.056.555
14	Qeqertarsuaq	536.394	595.125	584.113	667.013	734.504
15	Uummannaq	2.763.493	2.316.558	2.192.457	1.893.142	1.826.478
16	Upernavik	244.947	549.756	986.798	1.196.652	1.248.970
17	Qaanaaq	613.525	862.514	613.509	505.719	404.054
18	Tasiilaq	481.861	480.940	751.061	875.891	1.055.599
19	Iltoqqortoormiut	173.500	122.771	136.972	127.975	170.512
	Akiitsut akilinngitsuukkat katillugit:	62.147.867	65.821.688	66.258.307	84.956.557	100.853.268
	Akilinngitsuukkanik akiitsullit katillugit:	4.909	4.899	4.676	5.835	6.444

Malugalugu, 2009-miit 2011-mut Kommune Kujallup inissiaatini nammineerluni aqummagit, tamannalu 2011-imiit 2011-imut ineriartornermut nassuiaatissap ilagaa

3. A) Akiliuteqartannginnermut pissutsit suunersut Naalackersuisut aalajangersimasumik ilisimasaqarfigaat?

AKISSUT: A/S Inissiatileqatigiiffik INI-mit ilisimatitsissutigineqarpoq, pissutsit uku akiliinngitsortarnermut pissutaaqataasinnaasut:

- inulaqatigiinni tamarmiusuni aningaasakilliorneruneq.
- 2012-imut kiassarnermut naatsorsuutitut amerlasuunik tapiilluni akiliuteqaqqinnisaq akiitsut akiliinngitsuukkat amerlinerinik kinguneqarsimavoq.

B) Attartortut akiliisinnaanngitsut aamma akiliisinnaavikkaluarlutik plaaralutik akiliinngittartut immikkoortinneqartarpat?

AKISSUT: Attartortuni immikkoortut taakku akornanni immikkoortitsisoqanngilaq.

4. Kinguaattoorutit qanoq amerlatigippat?

AKISSUT: Apeqqut 2-mut akissummi takussutissiarineqartumi takuneqarsinnaasutut akiitsut akiliinngitsuukkat katillugit 100,8 mio. koruuninut naatsorsorneqarput.

5. Attartortunut akiliisartunut siunnersuutit akuerineqarnera aningaasatigut qanoq sunniuteqassava? Ineqarfiit immikkoortuinut assiglinngitsunut amerlanernut siunnersuummi sunniutaasussat pillugit Naalackersuisut kisitsisinik tigussaasunik assersuusioqquneqarput.

AKISSUT:

Matuma kingullani assersuutit arlallit takussutissiorneqarput, taakkunanilu inissiaq 62 m²-nik angissusilik, tassalu tamanut tunngatinneqarsinnaasutut naammaginartumik angissusilik aallaavigineqarpoq.

Assersuut 1: Najugaqarfiit akiitsunit akiliinngitsuukkanit annaasaat Nunap Karsiata kommunillu matussusertarpaat:

Qaqortoq: Ineqarnermut attartornermut akiliut 3.701 koruuniniit 3.468 koruuninut, tassalu 233 koruuninik apparsinnaavog.

Nuuk: Ineqarnermut attartornermut akiliut 3.181 koruuniniit 3.159 koruuninut, tassalu 22 koruuninik apparsinnaavog.

Assersuut 2: Namminersorlutik Oqartussani najugaqarfiit nuna tamakkerlugu najugaqarfimmut ataatsimut katersorneqarpata, akiitsut akiliinngitsuukkanik nammaqatigiiffiullutik:

Qaqortoq: Ineqarnermut attartornermut akiliut 3.701 koruuniniit 3.569 koruuninut, tassalu 132 koruuninik apparsinnaavog.

Nuuk: Ineqarnermut attartornermut akiliut 3.181 koruuniniit 3.259 koruuninut, tassalu 78 koruuninik qaffassinnaavog.

6. Attartortut ineqarfinni immikkoortortani ataasiakkaani attartornermut akiliutigineqartanngitsunut nammaqatigiittumik akisussaatinneqartarnerannik maanna periaatsip iliuuseqarfigineqarnissaa kissaatigineqarpat

anigaasalersuineq sumit pissanersoq Naalakkersuisut
eqqarsaatersuutigini kuaat?

AKISSUT: Akilinnigitsuukkaminik akiitsulinnut, najugaqarfinnut ataasiakkaanut artukkilsartunut suleriaatsimi maanna atorneqartumi qinigassat arlaqarput, taakkulu aamma apeqqut 5-imut akissummi assersuusionerqarput.

Qinigassaq siulleq tassaavoq Nunap Karsiata kommunillu akilitsunut akilinnigitsuukkanut akiliisarnissaa. Tamatuma kingunerisaanik tamatumunnga anigaasanik amerlanerusunik ukiumoortumik anigaasanut inatsimmi kommunillu missingersuutaanni sallutitsisoqartalissaaq.

Aappaani piviusunngortinneqarsinnaanerusumilu aaqqissuussineq najugaqarfinnut minnerusunut, akiitsut akilinnigitsuukkat eqqarsaatigalugit assigiinngitsorujussuarnik artukkerneqartartunut tamanna atorunnaarsinneqarsinnaavoq. Tassunga taarsiullugu attartortitsisup najugaqarfilt immikkoortorta qarfilt najugaqarfimmut immikkoortortamut ataatsimut angisuumut katersortitsinissaanut periarfissaq atorsinnaavaa.

Tamatuma kingunerisaanik Namminersorlutik Oqartussat nuna tamakkerlugu Namminersorlutik Oqartussat inissiaataanni tamani ineqarnermut akiliutinik assigiinnerusunik atulersitsinissani nalunaarutigissavaa.

Taamatuttaaq kommunit, kissaatigunikku kommunimi illoqarfinni tamani apeqqutaatinnagu illoqarfik sorliunersoq, najugaqarfilt immikkoortortat katersortinnissaanik periarfissaqarput.

Tamatuma kingunerisaanik akilinnigitsuukkaminik akiitsulli najugaqarfinnut ataasiakkaaginnarnut artukkiisarunnaassapput.

Taamaalliluni aamma Namminersorlutik Oqartussat inissiaataannut anigaasallissutit nuna tamakkerlugu atuuttumut ataatsimut katersorneqarsinnaalissapput, tassanilu attartortut tamarmik assigiinnik akiliisalissapput – tassalu "nuna tamakkerlugu sanaartornermut anigaasaateqarfimmi" pissutsit danskinit atorneqartup assinganik periuseqartoqalissaaq.

Kommunit inissiaatiminnut anigaasaateqarfinnik taamaattunik pilersitsissanerlutik aalajangersinnaavaat. Tamanna Namminersorlutik Oqartussat ukiumut 50 mio. koruuninik aserfallatsaaliuinissamut immikkoortitsisalernerannik kinguneqassaaq, taakkulu Nunap Karsianit pingaarnersiulluni tulleriaarineqarmi anigaasaliissutit tapertaqartinneqarsinnaapput – tassalu anigaasat Namminersorlutik Oqartussat inissiaataannik iluarsaassinissamut isaterinissamullu immikkoortinneqareersimasut atorlugit.

Maassakkut ineqarnermut akiliutit ukiumut kvadratmeterimut 612 koruunit aamma 752 koruunit akornanni nikingassuteqarrapput. Ineqarnermut akiliutit assigiimmik naatsorsorneqartalernerisigut attartukkanut, maannakkorpiaq akisunerusunut ineqarnermut akilut appartinneqarsinnaalissaaq, aammalu attartukkat, maannakkorpiaq akikinnerusut qaffanneqarsinnaalissapput.

7. Akiliutigineqanngitsoortut pissarsiariniarneqarnissaannut qanoq illiuseqartoqarniarpa?

AKISSUT: Tunngaviusumik akiltsut akilinngitsuukkat ineriartornerat isumaneriuunartoqarpoq. Maannakkorpiaq Namminersorlutik Oqartussat akiliisitsiniartarfiat aqquutigalugu akiliisitsiniarnermik annertuumik ingerlatsisoqareerpoq. A/S Inissiaatileqatigiiffik INI-p akiltsut akilinngitsuukkat naatsorsoreeraangamigit, Akileraartarnermut Aqutsisoqarfik aqquutigalugu akiliisitsiniarnissamik piunasaqartarpoq. Tassani akililnissamut eqqaasitsissutit naqinneqartarput, aammalu akissarsianit ilanngaassinissamut periarfissat akilersuinissamullu aqqissuussinerit misissorneqartarput.

Tunngaviusumik inoqutigiit ineqarnermut akililuteqarnissartik pingaartillugu salliutittariaqarpaat isumagisariaqarlugulu, inissiami najugaqarnissaq ilaqutariit atugarissaarnissaannut pingaaruteqarmat.

Naalakkersuisut A/S Inissiaatileqatigiiffik INI oqaloqatigaat, ilaqutariit ineqarnermut akiliutinik kinguaattoorpallaannginnerini, taamaalillutillu artorsallnnginnerini sullinneqarsinnaanerit periarfissat paasiniaaffigalugit. Tassalu sulliniutlissat tunngaviusut pinaveersaartitsissutaasussallu, aqutsisup sullissinnermini atorsinnaasai arlaqarput. Kiisalu aamma siunissami akilersuinissamut periarfissat, qaammatit sisamat tikillugit ingerlanneqarsinnaasut Naalakkersuisunit misissorneqarput.

Tulliullugu INI-mit aamma paasineqarpoq, attartortut inissianit najukkaminnit nuuttut maanna qularnaveeqqusiissutaasartuni sinaakkusiussat iluanni nalinginnaasumik iluarsaassinissamut aningaasartuutit akiltsuusinnaasullu matussusersinnaasanngikkaat. Taanna maanna pisortat inissiaataanni attartortittakkani qaammatini pingasuni attartornerup annertoqatigaa.

INI naliliivoq, qularnaveeqqusiissut qaammatini tallimani ineqarnermut akiliutip annertoqatigisariaqaraa.

Kiisalu aalajangersimasumik isumallutigineqartariaqarpoq, ineqarnermut akiliut ingerlaannartumik akissarsianit ilanngaatigineqartariaqannginnersoq, taamaalilluni inoqutigiit ineqarnermut akiliutinik kinguaattooruteqarnissaat pinngitsoortinneqassammat.

Aalajangiiffigisassatut siunnersuummi saqqummiunneqartumi tunngavilersuummi takuneqarsinnaavoq, ineqarfinni immikkoortortani attartortunut pissutsit artukkiisut ilaat tassaasoq "attartortittakkanik aqutsinerlunneq".

8. Ineqarfiit immikkoortortaanni attartornermut akiliutit amigaatit pillugit "nammaqatigiittumik akisussaaqatigiinneq" maanna atuuttoq ima paasineqarsinnaava, attartornermi isumaqatigiissutit atorunnaarsinnissaat akililuteqartanngitsullu anisinnissaat siunertaralugu ineqarfiit immikkoortortai pisariaqartumiit arriippallaamik illiuseqartartut?

AKISSUT: Najugaqarfiit namminneerlutik aqutsisuuneq ajorput, A/S Inissiaatileqatigiiffik INI aqutsisuusarpoq. Attartortut piffissaq eqqorlugu

ineqarnermut akillisarnerat INI-mut iluaqutaasarpoq, tamanna allaffissornerup annikinneruneranik kinguneqartarmat. Akiliinissamut nukingisaarisarnerit, attartortut akilersuinissaq pillugu ataatsimeeqatigineqartarnerat, taakku malinnaaffigineqartarneri, aammalu anisitsisarnerit kommunip politiillu ataatsimeeqatigineqarnerinik ilaqartut piffissamik atuiffiusarput. Taamaattumik attartortut piffissaq eqqorlugu ineqarnermut akillisarnerat INI-mut iluaqutaasarpoq.

9. Ineqarfiit immikkoortortaanni "nammaqatigiittumik akisuussaaqatigiinnerisa" atorunnaarnerani akiliinerluttartut ineqarnermut isumaqatigiilssutaasa pilertornerusumik atorunnaarsinneqartarnissaat naatsorsuutigineqarsinnaava?
Taamaattoqarpat - isumaginninnikkut isumannaarinissamut maanna suliaqartut "anisitsisarnerit sukkanerulernerat" iliuseqarfigisinnaavaat?

AKISSUT: Naamik. Nammaqatigiilluni akisuussaaqatigiinnermut taamaallaat annaasat qanoq ililluni matussuserneqarnissaat apeqqutaasarpoq.

10. Attartortut anisitaasimasunut inisseeqqittarnissamut tigussaasumik qanoq iliuseqartoqarniarpa?

AKISSUT: Nuummi inisseeqqittarfissaq 2014-imi sananeqassaaq. Sanaartornerup 2014-imi aallartinnissaa aammalu 2014-imi juullertinnagu piareersimanissaa naatsorsuutigineqarpoq. Nuup avataani inissiat ilullu inoqanngitsut siunertamut atorneqartarput.

11. Ineqarfiit immikkoortortaanni attartortuusut nammaqatigiilluni akisuussaatinneqannginnissaannut aalajangiiffigisassatut siunnersuummi tunngavigineqartoq - ineqarnermut akiliutiginnigitsuukkanut ininillu attartorneqanngitsunut tunngasoq - allaanerusunik ilaneqarsinnaava?
Assersuutigalugu aserortikkat iluarsaannissaannut aningaasartuutit attartortunut aserorterinermi peqataasimanngitsunut pisussaaffinngortarnerat Naalakkersuisut naammaginatutut isigaa?

AKISSUT: Naamik. Inisslanik attartortitsisarneq pillugu Inatsisartut peqqussutaanni § 28-mi allassimavoq, ineqarnermut akiliutip naatsorsorneqarnerani najugaqarfiup ingerlatsinerumut aningaasartuutit tamaasa akilersinnaassagal. Tassalu ingerlatsinerumut aningaasartuutit assigiinngitsut akilerneqarnerini nammaqatigiittoqartarpoq, attartortut ataasiakkaat sullissinernik aalajangersimasunik atuinerat apeqqutaatinnagu.

12. Pisortat attartortittagaanni kinguaattooruteqartarnermut ajornartorsiutit ilaasa sulisorisat pisortat inissiaataanni attartortuusimassappata sultsitsisut/isumaginninnikkut oqartussaasut sulisut akissarsiaanni/isumaginninnikkut pisartakkanit inimut akiliutissaannik ilanngaassinissamik peqquneqarsinnaanerat tunngavigalugu pitsaaliuisoqarsinnaanera ilumuunnginnerarneqarsinnaava?

AKISSUT: Naamik, tamanna ilumuunnginnerarneqarsinnaanngilaq. Akerlianik sultsunut inissiani ineqarnermut akiliutit akissarsianit ingerlaannartumik ilanngaatigineqartarunnaarmata akiltsut akilinnigitsuukkat amerlipput. Taamaattumik aaqquissuussineq Kiffaq, siusinnerusukkat

siunnersuutigineqarsimasoq akiitsut akilinningsuukkat pillugit ajornartorsiummut aaqqeeqataasinnaavoq.

13. Pisortanit attartortittakkat aqunneqarneqarneranni attartortut ineqarnermut akillutaasa sulisitsisumit akissarsianit ilanngaatigineqartarnerisa atorunnaarnera aningaasaqarnikkut aaqqissuussinikkullu iluatsitsiffiullaarsimanersoq Naalakkersuisut isumaqarpat?

AKISSUT : Naamik.

14. Pisortat inissiaataanni ineqarnermut akiliuteqartarnermi apeqqummi 13-imi perluatsip atuutilerseqqinneqarnissaa siumut isigisumik Naalakkersuisut takorloorsinnaavaat?

Taamaattoqanngippat, apeqqummi 13-imi akiliisitseriaatsip taaneqartup teknikkikkut aningaasaqarnikkullu pitsaaqataanik akiliisitseriaatsimik Naalakkersuisut innersuusseqquneqarput.

AKISSUT: Aap. Periarfissaq taanna misissortariaqarlunnarpoq.

15. Suliaq pillugu Naalakkersuisut annertunerusumik paasissutissiisinnaappat?

AKISSUT: AAP. Apeqqutit pingaarutillit ataatsimiitillamit saqqummiunneqarmata Naalakkersuisut nuannaarutigisorujussuaat. Tassani tunngaviusumik suleriaatsit qitiusut, innuttaasunut amerlasuunut kalluaasut pineqarput. Taamaattumik allannguisoqassappat, allannguutissat paasiniaaruarneqarsimanissaat amerlasuunillu taparserneqarnissaat pingaaruteqarlunnarpoq.

Sanaartorneq ataatsimut isigalugu ilisimalitsissutigisinnaavara, sanaartornermut aningaasallissutit pitsaaneruserusumik aqunneqarnissaat, aamma Namminersorlutik Oqartussat inissiaataanni illuutinilu allani oqulaanissap pilersaaruserneqarnissaa piiaanissarlu Naalakkersuisut kissaatigimmassuk.

Pingaartumik aamma ukiluni tulluutuni isaterinerit arlalit, eqqagassanik PCB-mik akullinnik eqqarsaateqarfiusussat ingerianneqartussaapput.

Sanaartornermut aningaasallissutinik sanaartukkanillu aqutsinerit atatillugu kommunit, Kalaallit Nunaanni Sulisitsisut Peqatigiffiat, NUSUKA-p soqutigisaqartullu allat suleqatigilluarneqarnissaasa pingaaruteqarnera Naalakkersuisut immikkut ittumik erseqqissaatigerusuppaat.

Maannamut oqaloqatigiinnerit pitsaasut aallarnernerneqareerput, taakkulu kingunerisaannik aamma ukiamut sanaartorneq pillugu isumasioqatigiinnissaq suleqatigiiffigineqarpoq. Sanaartorneq pillugu isumasioqatigiinnerup septembarip qaammataani ingerlanneqarnissaa Naatsorsuutigineqarpoq, piffissarilitassarlu pillugu Inatsisartut Siulltaasoqarfia sukumiineruserusumik isumaqatigiissuteqarfigineqarumaarpoq. Tassami Inatsisartuni ilaasortat pingaartumillu Sanaartornermut Ataatsimiititaliap isumasioqatigiinnerit peqataanissaat Naalakkersuisunit annertuumik kissaatigineqarpoq.

Suliniutit ilaattut aamma kalaallit sanaartornermut atorussiaasa

annertunerusumik atorneqarnissaat isumasioqatigiinnermi oqallisigineqassaaq.

Kiisalu ilisimatitsissutigisinnaavara, angalaninni najukkani entreprenørit kommunillu ataatsimeeqatigisarakkit. Aamma KANUKOKA ataatsimeeqatigereerpara. Tassalu sanaartugassat pillugit pitsaasumik annertuumillu oqaloqatigiinneq ingerlavoq. Sanaartugassat nuna tamakkerlugu siammarneqarnissaat pillugu Naalakkersuisut politikkiaat annertuumik isumaqatigineqartoq misigaara. Aamma iluarsaassinissamut suliasat uummaarinnerusumik ingerlanneqarnissaat, taamaalillunilu inuiaqatigiinni naliliit pigisat pigiinnarneqarsinnaanerat paasineqarluarpoq.

Naggasiutigalugu ataatsimiititaliaq apeqqutai pillugit qutsavigissavara, aammalu aalajangiiffigisassatut siunnersuutip aappassaanneqannginnerani ataatsimiititalap isumaliutissilissutaata tigusissaanut qilanaarpunga.

Inussiarnersumik inuulluaqqsillunga


Siverth K. Heilmann